

تاریخ عثمانی انجمنی

۱ حزیران
۱۳۳۲

بدیعی سنه
نومبر ۳۸

مجموعہ سی

بیلو غرافیا

ویانه دارالفنونی آثار عتیقه مؤسسه مدیری پروفیسور استرغووسکی
 اخیراً « آلتای - ایران و مهاجرت اقوام » نامی تحت‌اندازه آلمانجه مهم براتر نشر
 ایندی (۱). پروفیسور استرغووسکیك مزیات عالیله سنی و تاریخ صناعات
 نفیسه ده سنه لردن بری تعقیب اینکده اولدینی ملکی (آمیدا) نامیله آمد
 یعنی دیار بکر شهرینك آثار اسلامیله سنه دائر بوندن برقاچ سنه اول انتشارایدن
 اثر حقیقه یازدینمز بیلو غرافیا ده ایضاح ایتمش اینك (۲). بودقه تألیف ایله یکی
 اثر ۳۱۹ صحیفه دن عبارت اولوب متننده ۲۲۹ رسی و آبرینجه ۱۰ عدد
 فوطوینی لوحه سنی حاویدر . اثر مذکور کتابخلیق عالنده بك معروف اولان
 هیزینس طرفندن لایسینغ ده صورت نفیسه ده طبع و تمثیل ایدیلیدر . شو
 اینجده بولندینمز حرب عمومینك مطبعه جلیق اوزرنده ایقاع ایشدیکی مشکلات
 عطیله به رغماً کرک رسملرك و کاغذك و کرک صورت طبعك لطافتی تقدیرمه
 شایاندر . بواثرك تألیف و تحریرینه سبب ۱۹۰۲ سنه سنده ارنودلده البصانه
 تابع وراب ناسنده برقریه ده کشف اولنان بردقینه اولندر . شویله که بودقینه یی
 حین تقسیمده کویلیلرك اراسنده وقوع بولان منازعه ائاسنده بر ارنودك
 تیران قائمقامنه اخبار کیفیت ایتمه سی اوزرینه حکومت محلیه اجرا ایله یکی تحقیقات
 نتیجه سنده یالکز اوزری تریناتلی برآلتون قدح الده ایده بیلش و بونی موزة
 هایونه کوندرمش ایدی . دقینه نك اقسام سائره سی ایسه شونك بونك الینه
 کچه رك طاعلش بولنوردی . بوکشفدن خبردار اولان دراج آوستریا و مجارستان
 قونسولوسی موسیو فون قیویا قووسکی اشیای مذکورمه یی جمعه شتابان اوله رق

Strzygowski, Altai, Iran und Völkerwanderung, Zier- (۱)
 geschichtliche Untersuchung über den Eintritt der Wander und
 Nordvölker in die Treibhæuser geistlichen Lebens. 319 Seiten
 in 4°, mit 229 Abbildungen und 10 Lichtdrucktafeln. Leipzig,
 I.C. Hinrichs'sche Buchhandlung 1917.

(۲) تاریخ عثمانی انجمنی مجموعه سی، جزو ۶، سنه ۱۳۲۶ م ۳۶۵-۳۷۷.

برقاج سنه اوغراشدقدن مكره في الحقيقه ۴۱ پارچه دن عبارت اولان دفينه نك قسم اعظمي اشترا طريقيه طويلامنه موقعاولش وهرنه قدر بوله مهم بردفينه نك كندی مملكتي اولان آوسترياده قالمه سي آرزو الخش ايسه ده اوراده بوكا طالب وخواهشكر كيسه بوله مدبفندن آمرشاده پهرپون مورغانه صاعقه مضطر قالمشدر . بوسورتله قرق بر پارچه دن عبارت اولان آلتون ، كوش و طونج آوانيك اوتوز طقوز پارچه سي اليوم مورغانك ورته سي نرذنده ، برپارچه سي پارسنه و برپارچه سيده بالاده بيان اولنديني وجهله استانبولده موزه هايونده بولنيور (۱) . اشته استرغووسكي بواشيای نادريه بي آمرقايه كيشه دن اول ويانه ده عريض و عميق تدقيق اتمش فقط ديكر بعض معروف دفينه لریده نظر دفته آلهرق بولرك يكديكريله مقايه سندن منشأ لرینه دائر بعض نتایج استخراجته سي ايتمشدر . بودفينه لرك الك مهملری شونلردر : ۱۷۹۹ ده جنوبی مجارستانده كشف اولنان (ناكی - سنت - ميقلوش) دفينه سي ، ويانه موزه سنده در . - مجارستانك ترانسیلوانيا حدودنده بولنان (سیلاكي شولپو) دفينه سي ، ويانه وپشته موزه لرنده در . - ۱۸۳۷ ده رومانیاده بولنان (پتروآسا) دفينه سي بكرش موزه سنده در . - روسيه نك پولتاوا ايا لنده واورانیا قطعه سنده كشف اولنان (پولتاوا) دفينه سي . بولردن بشقه برده قبريس جزيره سنده كبریا جوارنده كشف اولنان ايكي دفينه بي ياد ايتك لازمدركه بولردن بری لوندرده برينش موزه ثومه ديكری يه مورغانك خصوصي قولكسيونلرینه كيتمشدر . تكميل بودفينه لر آلتون وكوش و طونجندن مصنوع و انواع نقوش و تصاویر ايله مزین وازو ، طباق ، دستی ، پسي ، مداليون ، بيله زيك ، كردانق ، قوطی الخ كبي شيلردن عبارتدر . پروفور استرغووسكي بودقيقت اوانی بي طرز اعمال لرینه واوزرلرنده كوريلن تزئينانه نظراً يكان يكان تدقيق و مطالعه ايتدكدن مكره بلفان شبه جزيره سته ، بعده مصره و الجزيره و ايرانه و آسيای وسطايه و آسيای شرقيه مخصوص آثار صناعيه و معماريه مزیناتيله تطبيق وجدی بر مقايه يه معروض قيليور . زیرا بواشيانك منشأی آسیاده اولديني طن ایدیور . اشته بوسیدن طولاي بودقيقات عليه اثناسنده تركرك صناعات

(۱) حكومت محليه اول وقت تقيدآده بولنهرق تدابير جديہ اتخاذ اتمش اولیدی بواشيای كاملاً آله ایده يلوددی . مع مافيه دراج ده حكومت عثمانیه نرذنده قونلوس بولنق حبيله موسيو قيوبا قووسكي نك ده اشياى مذكوره بي الك اول حكومت عثمانیه به تكليف اتمه سي لازم دكلى ایدی ؟ مع التأسف بوسورتله نيجه اشياى نفيه و نادره مملكت خارجه جيفمشدر !

قدیمه‌سنة دائر يك چوق موجب استفاده معلوماته تصادف اولمقده‌در . فی‌الواقع
مصرده لك اسكى آثار نفیة اسلامیه ترك قومنه منسوب اولان بنومولونندن
قاله اولدینی كبی سوریه‌ده والجزیره‌ده و آناتولییده آثار سلجوقیه و اتابکیان
وارثیه بتون تركلره عائددر . بوجهتلى دخی استرغووسكى تعمیق ایتدكن
سكره كتابك « عشایر واقوام شمالیه صناعاتی » سرلوحه‌سیله توسیم ایتدیكى
قسك « اقوام تركیه و آلئای دائره‌سی » نام فصلنده (صحنه ۱۵۳ - ۱۸۷)
تورفانده و ختنده ترك مدنیت قدیمه‌سنة دائر یاپیلان كشیفایتدن بحث ایدیور .
بوندن سكره بعضی معدندن معمول اوانینك ، باخصوص بالاده مذکور (ناكی -
سنت - میقلوش) دینه‌سك برقاچ آلتون بارچه‌لى اوزرنده كوریلن اسكى
ترکجه كتابلره كچرك بونلرك ترك لسانك لك اسكى آثار مكتوبه‌سی و حنى
یخه‌سئى و اورخون و سه‌لنفا آیده‌لرندن بیله ده‌ها قدیم اولدقلىرى و بشنجی یاخود
آلتنجی عصر میلادی‌یه عائد بولندقلىرى بعضی متخصصینك افاداتنه عطفاً بیان
ایدیور . بوقسده بزلری مستفید ایده‌جك ده‌ها يك چوق معلومات مندرجدر .
دیكر بر فصلده ایران مدیتتى و ده‌ها سكره « قسطنطنیه و بحر سفید حوضه‌سی »
نامی تحتده‌كى بر فصلده‌ده بورایه عائد مسائل صناعیه‌بی مناقشه ایدوب نهایت
آرنودلق دینه‌سك منشائی حقنده‌كى مطالعاتنى تشریح ایدیور . كرك بودینه‌ك
كرك دیكر دینه‌لرك محتوی اولدینی اشیا و اوانيك طرز اعمالرنده آشیای وسطی
صناعتك تأثیراتی كوریلدیكى كبی اشیای مذكوره‌دن بعضیلرینك اوزرلرنده
اسكى تركجه حروف ابله كتابه‌لرك بولنمه‌سیده بونلرك منشألى حقنده برشبه
براقیور .

پروفور استرغووسكى‌ك بویكى اثرینى بوراده اوزون اوزادی‌یه تحلیل
ایده‌میز . هرحالده قدیم ترك اقوامنك تاریخ و صناعاتی حقنده تدقیقاتده بولونانلر
ایچون اثر مذکور مهم برماخذ تشکیل ایتدیكى كبی علی‌العموم تاریخ صناعات
نفیه ابله توغل ایدنلره‌ده‌جداً توصیه اولنه‌جق برکتابدر .

خلیل ادهم